



**BAHAGIAN KESELAMATAN INDUSTRI
JABATAN KESELAMATAN DAN KESIHATAN PEKERJAAN MALAYSIA**

**PANDUAN PERMOHONAN ORANG KOMPETEN (SYARIKAT)
PEMASANG DAN PEMBUKA JENTERA MENGANGKAT**

2025

Tarikh kemaskini: 18 April 2025

KANDUNGAN

1.0 PENDAHULUAN	3
2.0 PUNCA KUASA	3
3.0 TAFSIRAN	3
4.0 SKOP	4
5.0 SYARAT PERMOHONAN	5
6.0 PANDUAN MENGISI BUTIRAN PERMOHONAN	5
6.1 Kategori Permohonan	5
6.2 Butiran Permohonan	7
7.0 DOKUMEN	13
7.1 Dokumen Permohonan	13
8.0 PEMAKLUMAN	17
9.0 FI	17
10.0 PIAGAM PELANGGAN	18

1.0 PENDAHULUAN

- 1.1. Panduan permohonan ini disediakan oleh Unit Pengiktirafan, Bahagian Keselamatan Industri untuk rujukan kepada pemohon semasa membuat permohonan pendaftaran, pembaharuan dan kemaskini maklumat Orang Kompeten (Syarikat) Pemasang dan Pembuka Jentera Mengangkat melalui sistem mySKUD. Sistem mySKUD boleh dicapai melalui Sistem Single Sign On (SSO) di MyKKP (<http://mykkp.dosh.gov.my/>).
- 1.2. Panduan permohonan ini telah dikemaskini mengikut Akta Keselamatan dan Kesihatan Pekerjaan 1994 dan Peraturan-Peraturan Keselamatan dan Kesihatan Pekerjaan (Loji Yang Menghendaki Perakuan Kelayakan) 2024 (LYMPK 2024).

2.0 PUNCA KUASA

- 2.1. Seksyen 31B Akta Keselamatan dan Kesihatan Pekerjaan 1994 (AKKP 1994) telah menyatakan bahawa tiada seorang pun boleh memasang siap, memasang, mendirikan, membuka, menguji, memeriksa, menyenggara, membaiki atau menservis apa-apa loji atau kelengkapan kawalan kejuruteraan yang dinyatakan dalam Akta dan Peraturan-Peraturan Keselamatan dan Kesihatan Pekerjaan (LYMPK) 2024 kecuali telah berdaftar sebagai Orang Kompeten (Syarikat) sepertimana ditetapkan oleh Ketua Pengarah.
- 2.2. Peraturan 4(1)(g), Peraturan-Peraturan Keselamatan Dan Kesihatan Pekerjaan (LYMPK 2024) telah menyatakan bahawa jika loji yang menghendaki perakuan kelayakan itu merupakan dandang stim atau jentera mengangkat sebagaimana yang dinyatakan dalam Jadual Ketujuh, memastikan bahawa dandang stim atau jentera mengangkat itu **dipasang** oleh orang kompeten atau Pembuka dan Pemasang asalan.

3.0 TAFSIRAN

- 3.1. Orang Kompeten ertinya orang kompeten yang berdaftar di bawah Seksyen 31C AKKP 1994.
- 3.2. Orang Kompeten (Syarikat) Pembuka dan Pemasang Jentera Mengangkat adalah Orang Kompeten (dalam bentuk Syarikat) yang menjalankan aktiviti seperti dinyatakan di dalam Perkara 2.1.
- 3.3. Orang Yang Berkelayakan ertinya Orang Kompeten seperti yang diterangkan dalam 3.1.
- 3.4. Jentera mengangkat ertinya apa-apa kelengkapan untuk mengangkat, menaikkan, mengangkut atau menurunkan beban.
- 3.5. Standard yang diiktiraf ertinya standard yang diiktiraf seperti di dalam Jadual Keempat, Peraturan-Peraturan Keselamatan Dan Kesihatan Pekerjaan (LYMPK) 2024.

4.0 SKOP

Skop Panduan permohonan adalah berdasarkan Jadual di bawah:

SKOP PENDAFTARAN ORANG KOMPETEN (SYARIKAT) PEMBUKA DAN PEMASANG JENTERA MENGANGKAT		
KOD KATEGORI JENTERA	KATEGORI	SKOP PEMBUKA DAN PEMASANG JENTERA MENGANGKAT
EDM01	KREN MENARA	Kren Menara, Derrick Crane, Pedestal Crane
EMD02	KREN DERMAGA	Quayside Container Crane, Rail Mounted Quay Crane, Rubber Tired Gantry Crane (RTG mempunyai landasan kekal), Rail Mounted Gantry Crane (RMGC), Wharf Crane, Rail Portal Crane
EMD03*	KREN KEMBARA ATAS	Kren Kembara Atas (Overhead Travelling Crane), Monorail Crane
EMD04*	PENGANGKAT BENDA	<i>Goods Hoist, Material Hoist, Dumbwaiter, Lif Barang (Good lifts), Mechanical Car Park System (with car lift)</i>
EMD05	PENGANGKAT PENUMPANG	<i>Passenger Hoist, Mast Climbing Work Platform (MCWP), Vertical Lifting Platform (VLP)</i>
EMD06	KELENGKAPAN AKSES GANTUNG	<i>False Car, Temporary Suspended Platform, Building Maintenance Unit (BMU), Maintenance Cage.</i>
EMD07	GANTRI PELANCARAN	<i>Gantri Pelancaran (Launcher Gantry)</i>
*Pemohon hendaklah melantik kakitangan Penyelia Pemasangan bagi skop dalam kategori ini dan tiada keperluan untuk pelantikan Orang Yang Berkelayakan Jentera Mengangkat.		

*

Jadual 1

5.0 SYARAT PERMOHONAN

5.1. Pemohon perlu mempunyai tempat kerja utama yang telah mempunyai nombor Pemberitahuan Tempat Kerja, PEMTK dengan JKPP Negeri melalui sistem MyKKP. Tempat kerja utama tersebut hendaklah dipastikan lengkap dengan jentera dan peralatan kawalan kualiti mengikut skop yang dipohon.

5.2. Pemohon perlu mempunyai sekurang-kurangnya seorang kakitangan teknikal yang bertanggungjawab setiap bahagian bagi skop Pembuka dan Pemasang Jentera Mengangkat di syarikat utama. Empat (4) bahagian wajib yang terlibat adalah seperti berikut:

- i. Bahagian Projek Kejuruteraan
- ii. Bahagian Kawalan Kualiti (QA/QC)
- iii. Bahagian Keselamatan dan Kesihatan Pekerjaan (KKP)
- iv. Orang Yang Berkelayakan (OYB) Jentera Mengangkat

Nota: Setiap kakitangan teknikal i, ii dan iii tidak boleh memegang jawatan lain KECUALI OYB Jentera Mengangkat YANG MEMENUHI KELAYAKAN sahaja dibenarkan memegang salah satu jawatan pada bahagian tersebut.

6.0 PANDUAN MENGISI BUTIRAN PERMOHONAN

6.1 Kategori Permohonan

PILIHAN KATEGORI PERMOHONAN ORANG KOMPETEN (SYARIKAT) PEMBUKA DAN PEMASANG JENTERA MENGANGKAT	NOTA PENERANGAN
Pendaftaran	Permohonan pendaftaran merujuk kepada pemohon yang baru pertama kali ingin memohon untuk didaftarkan sebagai pemasang, penyelenggara dan pembuka Jentera Mengangkat. Pemohon perlu merujuk garis panduan ini bagi menyemak dan memilih skop pendaftaran yang berkemampuan untuk dinilai dan didaftarkan oleh Jabatan sebagai Orang Kompeten (Syarikat). Pemohon juga perlu memastikan telah lulus kelayakan untuk pendaftaran sebagai ORANG YANG BERKELAYAKAN (OYB) atau kelulusan penukaran syarikat Orang Kompeten (Syarikat) bagi OYB di bawah nama syarikat pemohon melalui sistem mySKUD terlebih dahulu sebelum memohon pendaftaran Orang Kompeten (Syarikat). Sekurang-kurangnya seorang OYB diperlukan bagi permohonan pendaftaran Orang Kompeten (Syarikat). Skop permohonan pendaftaran syarikat hendaklah berdasarkan skop yang dimiliki oleh OYB tersebut sahaja.

Pembaharuan	Permohonan pembaharuan Orang Kompeten (Syarikat) merujuk kepada Orang Kompeten (Syarikat) Pemasang dan Pembuka Jentera Mengangkat yang telah berdaftar dengan Jabatan. Orang Kompeten (Syarikat) hendaklah mematuhi syarat-syarat kelulusan pendaftaran sedia ada dan aktif menjalankan skop kerja sepanjang tempoh kelulusan yang lepas. Orang Kompeten (Syarikat) dinasihatkan supaya memohon pembaharuan Orang Kompeten (Syarikat) lebih awal iaitu bermula tiga (3) bulan sebelum tamat tempoh kelulusan Orang Kompeten (Syarikat). Sekiranya tempoh kelulusan Orang Kompeten (Syarikat) yang sebelumnya telah tamat melebihi tempoh 1 tahun tanpa pembaharuan, syarikat dikehendaki memaklumkan kepada Unit Pengiktirafan, Bahagian Keselamatan Industri dan perlu memohon proses PENDAFTARAN semula melalui sistem mySKUD.
Kemaskini Maklumat	Pemohon perlu memohon kemaskini maklumat Orang Kompeten (Syarikat) bagi perubahan pada skop pendaftaran (Bahagian A), maklumat syarikat (Bahagian B), maklumat kakitangan teknikal (Bahagian C) maklumat cawangan (Bahagian D), maklumat pengilang asal/prinsipal (Bahagian E), maklumat pemasangan & penyelenggaraan (Bahagian F) atau mana-mana maklumat berkaitan Dokumen Sokongan yang wajib selepas kelulusan pendaftaran atau pembaharuan dan bukan 3 bulan sebelum tamat tempoh kelulusan. Proses ini akan melibatkan semakan dokumen, pembentangan teknikal atau audit di tempat kerja berdasarkan perubahan tersebut. Syarikat akan dibenarkan menjalankan kerja pemasangan, penyelenggaraan, penelitian dan pembukaan berdasarkan maklumat yang dikemaskini selepas kelulusan Jabatan.

Jadual 2

6.2 Butiran Permohonan

Bahagian A: Maklumat Sub-Permohonan

Pilih **Skop Pendaftaran** seperti yang terdapat dalam **Jadual 1**.

Bahagian B: Maklumat Syarikat

Pemohon bagi Pendaftaran dan Pembaharuan Orang Kompeten (Syarikat) Pemasang dan Pembuka Jentera Mengangkat, hendaklah memastikan maklumat tempat kerja utama yang dimasukkan telah mempunyai nombor Pemberitahuan Tempat Kerja (PEMTK) dengan JKKP Negeri melalui sistem MyKKP.

Nota: Maklumat kakitangan yang dihubungi seperti nama, alamat email dan nombor telefon bimbit hendaklah merujuk kepada kakitangan syarikat yang bertanggungjawab dalam menghantar permohonan syarikat.

Bahagian C: Maklumat Kakitangan Teknikal

Setiap kakitangan teknikal bahagian masing-masing hendaklah memenuhi semua syarat kelayakan seperti jadual di bawah:

KRITERIA KELAYAKAN KAKITANGAN TEKNIKAL	
Bahagian Projek Kejuruteraan	
a)	Warganegara Malaysia atau bagi bukan Warganegara Malaysia hendaklah mempunyai permit bekerja yang sah di Malaysia.
b)	Mempunyai pengetahuan berkaitan perundangan KKP, kod dan standard reka bentuk jentera mengangkat seperti AWS, EN, BS dan sebagainya yang merujuk kepada skop dipohon.
c)	Kelayakan akademik dan pengalaman: Memiliki Ijazah Sarjana Muda Kejuruteraan Mekanikal / Elektrikal / Elektronik atau setaraf¹ dengannya yang diiktiraf oleh Malaysian Qualification Accreditation (MQA) atau The Board of Engineers (BEM) dan mempunyai pengalaman sekurang-kurangnya satu (1) tahun dalam kerja pemasangan, penyenggaraan, penelitian dan pembukaan jentera mengangkat; atau Memiliki diploma dalam bidang Kejuruteraan Mekanikal / Elektrikal / Elektronik atau setaraf¹ dengannya yang diiktiraf oleh Malaysian Qualification Accreditation (MQA) atau The Board of Engineers (BEM) dan mempunyai pengalaman sekurang-kurangnya tiga (3) tahun

	dalam kerja pemasangan, penyenggaraan, penelitian dan pembukaan jentera mengangkat; atau Memiliki sijil kemahiran tahap 4 dalam bidang kejuruteraan/setarafnya dan mempunyai pengalaman sekurang-kurangnya lima (5) tahun dalam kerja pemasangan, penyenggaraan, penelitian dan pembukaan jentera mengangkat.
d)	Menghadiri dan mempunyai sijil latihan berkaitan kod rekabentuk jentera mengangkat seperti AWS, EN, BS dan sebagainya yang merujuk kepada skop dipohon.
Bahagian Kawalan Kualiti (QA/QC)	
a)	Warganegara Malaysia;
b)	Mempunyai pengetahuan berkaitan spesifikasi jentera mengangkat yang dinyatakan dalam perundangan KKP dan kod rekabentuk.
c)	Menghadiri dan mempunyai sijil latihan berkaitan kawalan kualiti bagi pemasangan, penyenggaraan, penelitian dan pembukaan jentera mengangkat seperti CSWIP dan NDT.
d)	Memiliki Ijazah Sarjana Muda Kejuruteraan Mekanikal / Elektrikal / Elektronik atau setaraf ¹ dengannya yang diiktiraf oleh Malaysian Qualification Accreditation (MQA) atau The Board of Engineers (BEM) dan mempunyai pengalaman sekurang-kurangnya satu (1) tahun dalam kerja pemasangan, penyenggaraan, penelitian dan pembukaan jentera mengangkat; atau Memiliki diploma dalam bidang Kejuruteraan Mekanikal / Elektrikal / Elektronik atau setaraf¹ dengannya yang diiktiraf oleh Malaysian Qualification Accreditation (MQA) atau The Board of Engineers (BEM) dan mempunyai pengalaman sekurang-kurangnya tiga (3) tahun dalam kerja pemasangan, penyenggaraan, penelitian dan pembukaan jentera mengangkat; atau Memiliki sijil kemahiran tahap 3 dalam bidang kejuruteraan/setarafnya dan pengalaman sekurang-kurangnya lima (5) tahun dalam kerja pemasangan, penyenggaraan, penelitian dan pembukaan jentera mengangkat; atau Memiliki SPM/setara dan pengalaman sekurang-kurangnya sepuluh (10) tahun dalam kerja pemasangan, penyenggaraan, penelitian dan pembukaan jentera mengangkat.

Bahagian Keselamatan dan Kesihatan Pekerjaan (KKP)	
	Syarikat perlu melantik Pegawai Keselamatan dan Kesihatan (Safety & Health Officer - SHO) jika tertakluk di bawah Peraturan Keselamatan dan Kesihatan Pekerjaan (Pegawai Keselamatan dan Kesihatan Pekerjaan) 1997**; atau Bagi tempat kerja yang kurang daripada 100 orang pekerja, syarikat perlu mempunyai sekurang-kurangnya seorang Penyelia Keselamatan Tapak Bina (SSS) yang berdaftar dengan JKPP; atau Melantik Penyelia KKP yang telah menghadiri kursus OSH Coordinator (OSH-C) oleh Pusat Pengajar yang telah diiktiraf JKPP.*** Maklumat Nombor Pendaftaran SHO/SSS/OSH-C yang sah perlu dimasukkan bagi maklumat kakitangan teknikal Bahagian Keselamatan dan Kesihatan Pekerjaan. <i>**Sila pastikan setiap kakitangan SHO/SSS/OSH-C telah berdaftar dengan majikan terkini semasa membuat permohonan. Semakan profil OYK ini boleh disemak melalui profil OYK pada laman web myKKP.</i> <i>***Sila rujuk Senarai Pusat Pengajar Bagi Penyelaras Keselamatan dan Kesihatan Pekerjaan (OSH Coordinator) di dalam laman web rasmi Jabatan.</i>
Kakitangan Penyelia Pemasangan (keperluan kakitangan bagi EMD03 dan EMD04)	
a)	Warganegara Malaysia.
b)	Disahkan sihat oleh Doktor Kesihatan Pekerjaan (OHD) yang berdaftar dengan Jabatan.
c)	Mempunyai sekurang-kurangnya dua (2) tahun pengalaman dalam bidang pemasangan, penyenggaraan, penelitian dan pembukaan jentera mengangkat.
d)	Mempunyai kelayakan akademik sekurang-kurangnya Diploma dalam bidang berkaitan yang diiktiraf oleh Jabatan atau Kementerian yang berkaitan.
e)	Telah menghadiri kursus keselamatan bekerja di tempat tinggi (<i>Working at Heights</i>); dan Telah menghadiri kursus Pengurusan Risiko (HIRARC); dan Telah menghadiri kursus teknikal berkaitan pemasangan, penyenggaraan, penelitian dan pembukaan jentera mengangkat yang berkaitan di kilang pembuatan syarikat prinsipal tersebut mengikut silibus pada Lampiran 1b. Pemohon perlu menyediakan laporan ringkas bergambar berkaitan kandungan latihan sepanjang kursus yang dihadiri.

f)	Tidak disabitkan: i. Atas suatu kesalahan dibawah Akta Keselamatan dan Kesihatan Pekerjaan 1994 atau mana-mana peraturan dibawahnya; atau ii. Atau suatu kesalahan dan dihukum penjara melebihi satu tahun atau denda melebihi dua ribu ringgit.
g)	Telah memenuhi syarat-syarat lain yang dinyatakan dibawah Akta atau mana-mana peraturan dibawahnya;

Jadual 3

(Nota¹ Kelulusan akademik yang dilampirkan hendaklah dan tidak terhad kepada pengetahuan dan kemahiran teknikal seseorang di dalam bidang fizik, pengiraan matematik kejuruteraan, reka bentuk kejuruteraan teknikal dan kekuatan bahan kejuruteraan).

Pemohon hendaklah memuatnaik sijil kehadiran kursus berkaitan reka bentuk jentera mengangkat, kawalan kualiti pemasangan dan pembukaan jentera mengangkat, OSH-C dan sijil WQT pada Bahagian C. Dokumen lain seperti resume, sijil akademik, sijil kursus teknikal dan KKP kakitangan pada Bahagian C hendaklah dimuatnaik pada Dokumen Permohonan No. 3.

Bahagian D: Maklumat Cawangan

Sekiranya syarikat mempunyai cawangan tempat kerja yang ingin didaftarkan bagi menjalankan kerja sebagai Orang Kompeten (Syarikat) Pemasang dan Pembuka Jentera Mengangkat, cawangan tersebut perlu mempunyai nombor Pemberitahuan Tempat Kerja (PEMTK) yang berasingan dengan tempat kerja utama. Cawangan tempat kerja tersebut hendaklah dipastikan lengkap dengan jentera dan peralatan kawalan kualiti mengikut skop yang dipohon.

BUTIRAN	NOTA PENERANGAN
Nama Syarikat	Merujuk kepada nama syarikat (tempat kerja utama) yang didaftarkan seperti di Bahagian B.
Nombor Pendaftaran Syarikat*	Nombor pemberitahuan tempat kerja cawangan yang didaftarkan di dalam MyKKP
Nombor Telefon Syarikat*	Nombor telefon cawangan tempat kerja.

E-mel Syarikat*	E-mel cawangan tempat kerja yang boleh dihubungi oleh Jabatan.
Bilangan Pekerja*	Bilangan pekerja yang berjawatan tetap dan kontrak di cawangan.
Kakitangan Teknikal*	Maklumat kakitangan teknikal yang bertanggungjawab di cawangan tempat kerja. Syarikat perlu menyediakan sekurang-kurangnya seorang kakitangan teknikal projek kejuruteraan, kawalan kualiti, dan KKP khusus bagi cawangan tempat kerja jika lokasi cawangan tempat kerja berlainan daerah dengan tempat kerja utama. <i>Nota: Sekiranya lokasi cawangan tempat kerja berada dalam satu daerah yang sama, pemohon boleh menggunakan senarai kakitangan teknikal tempat kerja utama.</i> <i>Nota: Sekiranya lokasi cawangan tempat kerja berada dalam satu daerah yang sama, pemohon boleh menggunakan senarai kakitangan teknikal tempat kerja utama.</i>

Jadual 4

7.0 DOKUMEN

7.1 Dokumen Permohonan

Semua dokumen permohonan perlu dimuat naik dalam format PDF. Sila buat pecahan fail jika melebihi kuota yang dibenarkan. Sertakan fail PDF bertajuk “Tidak Berkaitan Skop Permohonan” jika dokumen wajib berkenaan tidak melibatkan skop permohonan.

BUTIRAN	NOTA PENERANGAN
1) Ringkasan latar belakang syarikat	Mengandungi katalog, maklumat latar belakang atau profil syarikat (tempat kerja utama) dan cawangan.
2) Carta organisasi utama tempat kerja (utama dan cawangan)	Carta organisasi syarikat (tempat kerja utama) dan cawangan terkini yang mengandungi semua kakitangan syarikat. Sila tandakan nama penuh, bahagian dan jawatan kakitangan teknikal dan kakitangan KKP tetap yang terlibat di Bahagian C pada carta organisasi tersebut.

3) Senarai nama kakitangan teknikal, dan KKP bagi tempat kerja (utama dan cawangan).	Menyediakan senarai maklumat dalam bentuk jadual atau resume bagi setiap kakitangan teknikal dan kakitangan Keselamatan dan Kesihatan Pekerjaan (KKP) pada Bahagian C yang mengandungi: • Nama • Jawatan • Pengalaman kerja berkaitan pemasangan, penyenggaraan, penelitian dan pembukaan jentera mengangkat • Kelayakan akademik berkaitan yang tertinggi • Jenis latihan/kursus teknikal dan KKP berkaitan yang telah dihadiri. Sertakan resume, sijil akademik dan sijil kursus bagi setiap kakitangan tersebut. Bagi syarikat (tempat kerja utama) yang mempunyai cawangan yang lain untuk didaftarkan, syarikat perlu menyediakan maklumat kakitangan teknikal yang lain bagi setiap cawangan tersebut jika berlainan daerah dengan syarikat (tempat kerja utama).
4) Senarai aktiviti dan pengalaman kerja*	Maklumat perlu mengandungi: • Senarai pengalaman kerja berkaitan skop pendaftaran (pendaftaran baharu). • Senarai rekod kerja berkaitan skop pendaftaran sepanjang tempoh kelulusan (pembaharuan). • Senarai aktiviti kerja selain berkaitan skop permohonan.
5) Senarai jentera dan peralatan dimiliki beserta spesifikasi bagi syarikat (tempat kerja utama) dan cawangan*.	Senarai dan spesifikasi peralatan kerja Pembuka dan Pemasang pemasangan, penyenggaraan, penelitian dan pembukaan jentera mengangkat terkini tidak terhad kepada berikut : • Welding Machine • Tighten Tools • Cutter Machine • Grinding Machine • Alat ganti tulen jentera mengangkat

	• Jentera berperakuan kelayakan (CF) yang dimiliki sendiri Senarai dan spesifikasi peralatan pemeriksaan kualiti jentera mengangkat terkini tidak terhad kepada berikut : • Vernier Caliper • Torque Wrench • Non-Destructive Testing (NDT) Equipment • Load Tester Senarai peralatan di atas juga diperlukan untuk permohonan kemaskini cawangan tempat kerja yang baru.
6) Pelan kedudukan jentera di syarikat dan cawangan.	Menyediakan layout kedudukan proses dan jentera di dalam syarikat dan cawangan yang terkini bagi permohonan pendaftaran, pembaharuan dan kemaskini premis baru.
7) Manual Kawalan Kualiti yang mengandungi maklumat berkaitan dengan kerja-kerja dalam skop permohonan*.	Menyediakan Manual Kawalan Kualiti yang mengandungi tidak terhad kepada perkara berikut: • Polisi Kualiti yang ditandatangani oleh pihak pengurusan tertinggi. • Prosedur Kerja dan senarai semak setiap proses kerja pemasangan, penyenggaraan, penelitian dan pembukaan jentera mengangkat. • Carta Alir Proses pemasangan, penyenggaraan, penelitian dan pembukaan jentera mengangkat. • Safe Line Plan. • Inspection Test Plan (ITP) Pembuka dan Pemasangan. • Senarai Manual daripada prinsipal/pengilang asal jentera mengangkat

	Manual Kawalan Kualiti yang lengkap perlu disediakan apabila diminta oleh Jabatan ini semasa proses semakan dokumen, pembentangan, audit dan permohonan kemaskini skop.
8) Manual Keselamatan dan Kesihatan Pekerjaan (KKP) yang mengandungi maklumat berkaitan dengan kerja-kerja dalam skop permohonan*	Menyediakan Manual Keselamatan dan Kesihatan Pekerjaan (KKP) yang mengandungi tidak terhad kepada perkara berikut: • Polisi Keselamatan dan Kesihatan yang ditandatangani oleh pihak pengurusan tertinggi. • Carta Organisasi Jawatankuasa Keselamatan & Kesihatan (JKK). • Prosedur Kerja Selamat (SOP) bagi kerja pemasangan, penyenggaraan, penelitian dan pembukaan jentera mengangkat. • Penaksiran risiko yang disediakan dalam bentuk HIRARC, JHA atau JSA bagi kerja pemasangan, penyenggaraan, penelitian dan pembukaan jentera mengangkat.
9) Laporan penambahbaikan berdasarkan pemeriksaan syarikat dan cawangan oleh JKPP Negeri yang terkini (OSHWA)*.	Setiap syarikat (tempat kerja utama) dan cawangan hendaklah berdaftar dengan JKPP Negeri melalui sistem MyKKP. Syarikat dan cawangan perlu memastikan tempat kerja diperiksa oleh JKPP Negeri terlebih dahulu sebelum permohonan pendaftaran atau kemaskini alamat premis syarikat dan cawangan baru. Bagi permohonan pembaharuan, syarikat dan cawangan perlu memastikan diperiksa oleh JKPP Negeri terlebih dahulu setiap 15 bulan sekali. Syarikat perlu menyemak Laporan Pemeriksaan Tempat Kerja (OSHWA) yang dikeluarkan dan menjalankan penambahbaikan elemen yang TIDAK PATUH sahaja sebelum permohonan pendaftaran, pembaharuan dan kemaskini premis baru. Laporan status

	penambahbaikan tersebut hendaklah dimuatnaik pada bahagian ini.
10) Senarai kod rekabentuk berkaitan yang dimiliki*	Pemohon hendaklah mengemukakan senarai dan nama kod rekabentuk yang digunakan untuk pemasangan, penyenggaraan, penelitian dan pembukaan jentera mengangkat dalam bentuk jadual tidak terhad kepada AWS / BS466 / FEM1.001 / MS1803 / BS EN 12159 / ANSI MH29.1/ CEN / TC 152 G / AS3533.1 dan lain-lain. Setiap kod rekabentuk yang digunakan hendaklah disediakan apabila diminta oleh Jabatan ini semasa proses semakan dokumen, pembentangan, audit dan permohonan kemaskini skop.
11) Surat Kebenaran/Lesen Perniagaan (PBT/SSM (Borang 9 & 49)/PERKESO dan lain-lain)	Pemohon hendaklah mengemukakan salinan surat kebenaran atau lesen perniagaan yang sah seperti lesen pihak berkuasa tempatan, Suruhanjaya Syarikat Malaysia (Borang 9 dan 49) dan pendaftaran perusahaan PERKESO yang terkini bagi setiap permohonan.
12) Senarai sijil pengiktirafan yang telah diterima (ISO 9001/ISO 45001/OHSAS 18001/ISO 14001/ISO 14001/ MS 1722/ASME dan lain-lain) jika ada.	Pemohon hendaklah memuatnaik sijil pengiktirafan berkaitan pencapaian kualiti pengurusan, teknikal dan KKP yang telah diterima syarikat dan masih dalam tempoh sah. Setiap sijil pengiktirafan asal yang dinyatakan hendaklah disediakan apabila diminta oleh Jabatan ini semasa proses semakan dokumen, pembentangan, audit dan permohonan kemaskini skop.
13) Penyata Caruman KWSP kakitangan teknikal bagi 3 bulan terkini	Pemohon perlu mengemukakan rekod salinan penyata caruman KWSP yang mengandungi nama kakitangan teknikal dan kakitangan KKP yang dinyatakan pada Bahagian C untuk tiga (3) bulan terkini untuk setiap permohonan.

14) Program kursus teknikal dan Keselamatan & Kesihatan Pekerjaan (KKP) kakitangan teknikal.	Pemohon hendaklah menyediakan senarai rekod program latihan/kursus teknikal dan KKP dalaman dan luaran yang dijalankan secara dalaman atau luaran bagi syarikat dan cawangan dalam bentuk jadual seperti berikut: Senarai latihan tahunan yang telah dijalankan sebelum permohonan (pendaftaran baru dan kemaskini skop) atau sepanjang kelulusan yang lepas (pembaharuan). Pelan perancangan latihan bagi tahun semasa (pendaftaran baru, pembaharuan dan kemaskini skop).
---	--

Jadual 5

8.0 PEMAKLUMAN

Pihak Jabatan boleh menolak permohonan, menggantung dan membatalkan pengiktirafan jika didapati:

- a) Tidak memenuhi mana-mana kriteria permohonan pendaftaran Orang Kompeten (Syarikat); atau
- b) Memalsukan dokumen dan maklumat permohonan; atau
- c) Telah melanggar mana-mana syarat yang dinyatakan di dalam surat kelulusan; atau
- d) Telah melanggar mana-mana syarat-syarat lain yang dikeluarkan oleh JKPP dari semasa ke semasa; atau
- e) Telah memperoleh pendaftaran melalui salah nyataan atau fraud.

9.0 FI

Pembayaran fi pemprosesan dan pendaftaran bagi permohonan pendaftaran, pembaharuan dan kemaskini maklumat Orang Kompeten (Syarikat) Pemasang dan Pembuka Jentera Mengangkat adalah mengikut Peraturan-Peraturan Keselamatan Dan Kesihatan Pekerjaan (Fi Bagi Pendaftaran Dan Pembaharuan Orang Kompeten Dan Penyedia Latihan Berdaftar) 2024.

10.0 PIAGAM PELANGGAN

- 10.1. Permohonan yang lengkap akan diproses (melibatkan semakan dokumen, sesi pembentangan teknikal dan audit) dalam tempoh **tiga puluh (30) hari bekerja**. Pihak syarikat dikehendaki untuk mengemukakan maklumat tambahan sekiranya diperlukan oleh pegawai. Keputusan kelulusan sebagai Orang Kompeten (Syarikat) Pemasang dan Pembuka Jentera Mengangkat **akan dimaklumkan kepada pemohon melalui sistem mySKUD**.
- 10.2. Permohonan yang tidak lengkap akan **dibatalkan / tidak diluluskan**. Pemohon perlu mengemukakan permohonan semula selepas menjalankan penambahbaikan dan mematuhi panduan permohonan yang ditetapkan.
- 10.3. Bagi permohonan pendaftaran dan pembaharuan yang telah memenuhi syarat dan kriteria ditetapkan, tempoh kelulusan adalah **tiga (3) tahun**.

Disediakan oleh:

UNIT PENGIKTIRAFAN

SEKSYEN PENGIKTIRAFAN, PEPERIKSAAN & PERSIJILAN

BAHAGIAN KESELAMATAN INDUSTRI

JABATAN KESELAMATAN DAN KESIHATAN PEKERJAAN MALAYSIA

18 APRIL 2025